



園丁的話 園丁: Lim Chùn-iók

「大嫂」真 chán!

最近台灣公論報e訂戶朋友 tú-tiòh 我 lóng 講, 「大嫂」hit 篇 chán; mā 有讀者來 e-mail 講「蕃薯園」內容 jú 來 jú 精彩, 加油! Chiah-ê 鼓勵 hō 我放 bē 記得編輯排版 è 辛苦。但是 tiòh-ài 向讀者 kap 「大嫂」作者多名谷先生道歉, 因為排版無小心 soah kā 上精彩 è 部分 làuh-kau 去, 只好 tī chit 期來一個「補遺」。

大嫂 (3)

補遺

(請插入第 1999 期「大嫂(3)」倒算第五段) 有一位 hō 人派駐印尼 è 玻璃製造工程師 è 朋友來批, 講伊選清明節歇假, 請朋友陪伊駛車, 一百多公里沿路開, chhōe 去到阮老母 è 墓地獻花敬拜, 對顯墓園 è 人得 tiòh 真重要 è 通知, 新 è 都市重劃, 無 joa 久這個墓區政府會廢除。Hia 是阮多數兄弟姊妹出世 è 所在, 是阮 è 第二個故鄉, 接 tiòh chit-ê 要緊 è 消息, 大嫂代表阮家族, 飛往長途遠洋生疏地 è 印尼爪哇, 請人工 ka 阮阿母 è 骨頭 kap 墓碑抗起來打包運轉來, hit 時是 1977 年。親愛 è 阿母, 孤單無伴家己一個靜靜 tī hia 安眠 40 多, 過身 è 時 35 歲。

母語 勸世歌

/Siau Lah-jih

關心家己母語是智慧 尊重別人語言是慈悲 看輕家己母語是無知 阻礙別人母語是惡質 挽救母語是替祖先做功德 推銷母語是為家己積善事 Teh-beh 絕種生物 ài 解救 Giông-beh 消失語言復復活 復活母語由家庭做起 搶救母語需要學校支持

每週壹諺

註解: Tân Chheng-chùn

Kau chòe-soa", m-thang kau chòe-koa" 交做山, m-thang 交做官

Chù: Pêng-iú è kau-pòe, chòe-soa"-ê tiòng-hō, kau-pòe hō-siong lī-ek. Chòe-koa"-ê kan-khiáu, kau-pòe è siòng-siòng siū lī-iōng.

註: 朋友 è 交陪, 做山 è 忠厚, 交陪互相利益; 做官 è 奸巧, 交陪會常常受利用。

看阿仁漫畫學台語

Comic strip panels with dialogue in Taiwanese. Panel 1: 'mài it-tit khai peng-siu' lah, kóng bōe thia' hih? / ke kóng i òng-kù á tò siū-khì kā chhiú... Panel 2: '嘿一直開冰箱啦! 講清楚 hih?' / 加講伊兩句 to 受氣收手... Panel 3: '交卡大力 leh!' / m-á 囉, 無趣味... Panel 4: 'kā khah tōa-lát leh!' / m-kā ã lah, bō chhū-bī.


田雞仔 gâu 顧厝 Chhân-ke-á gâu kò-chhù

(請來聽台灣鳥仔詩歌—學台語)

叫你雞仔你koh會泗水, Kiò lí ke-á lí koh ē siū-chú, 講你是鴨, m-koh 有雞爪無鴨腳蹄 Kóng lí sī ah, m-koh ū ke-jiáu bō ah-kha-tē, Kui-ih bih-tiám 水邊 lóm 地, Kui-kang bih-tiám chhiú-pi" lóm-tē, 翁仔 bō仔恩恩愛愛, chhōa 出娶入 Ang-á-bó-á un-un-ài-ài, chhōa-chhut chhōa-jip, 顧家顧厝, 逍遙自由。 Kò-ke kò-chhù, siau-iáu chū-iū.

蕭平治

Chhân-ke-á (田雞仔) > 紅冠水雞 > Moorhen. Chhân-ke-á tòh 是歌 tī 水田裡 è 水雞 (m 是水蛙), 淺黃綠色 è 雙腳 chhiá" 明顯, mā 有人 kā 號做「chhe" 腳仔」, 是真普遍 è 留鳥, tiám-tī lóm 地、水邊、溪仔邊、水田, tī 透早抑 是 boeh 暗仔出來活動, 食細隻蟲仔, 植物 (sit-bút) è 芽(i")。



薛光雄攝影

北投 è 景緻 (1) 溫泉

Tân Chheng-chùn

Pak-táu (北投) tī toh-ūi? Tī Tâi-óan (台灣) pak-pō (北部) è Tâi-pak kōan (台北縣); āu-lâi siók tī lóng-bêng-san Kóan-lí kiók (陽明山管理局); āu-lâi háp-pêng (合併) tī Tâi-pak chhi" (台北市) è lāi-bīn. Pak-táu è ték-sek (特色) sī hong-kéng (風景) chin súi. Ū soa" ū ō, ū hó-kau (河溝), iā ū hé-soa" (火山) è jiát è ian-khi (煙氣). Só-i thian-jián (天然) è un-chōa" chiū sán-seng (產生). Jit-pún (日本) lāng kau Tâi-óan chiū khai-hoat (開發) chit-ê un-chōa". Pak-táu è un-chōa" sī chin chá chiū chin chhut-miá (出名). Tī Jit-pún chiám-niá (佔領) è sī, Jit-pún lāng, Tâi-óan ták só-chāi è lāng lóng chin ài lāi Pak-táu sóe un-chōa" (洗溫泉).

Pak-táu in-ūi ū un-chōa", chiū chōe-chōe lú-siá (旅社), piát-chong (別莊), ko-kip-chhù (高級厝) khimkhi-lâi, chiá"-chòe Sin-pak-táu (新北投). Góan-lâi só-tòe è koe-chhi" (街市) è só-chāi chiū kiò-chòe Kū-pak-táu (舊北投). Góa sóe-hàn só tōa è só-chāi tú-hó tī Sin-pak-táu kap Kū-pak-táu è kau-kài (交界) hū-kūn. Hông-káng (磺港) tī hū-kūn (附近) lāu-kè. Chit-ê hông-káng kui-nī sī sio-sio (燒燒) è chhiú. Tang-thi" (冬天) chhiú òe chhèng-ian. Sī siu-chip un-chōa" só pái-chhut è chhiú è kau. Hông-chhiú (磺水) bōe-tàng èng-chòe ak-chhân (沃田), só-i tiòh hun-khui lāi chip.

Pak-táu è un-chōa" hun-chòe nng chióng

chhi"-hông (青磺) kap pèh-hông (白磺). Chhi"-hông sī tãi-seng ū è. Pak-táu ū chit-tiâu Un-chōa"-lō (溫泉路); chhiú-sī tui chhi" tiòng-sim hiòng soa" it-tit khi è chit-tiâu lō. Kàu Un-chōa"-lō è chhi"-bé chhiú-sī chhi"-hông è chhiú-góan-tē (水源地). Chit khut só-chāi it-tit ū khi phùn-chhut. Ū chhiú (khò-lêng sī thian-jián koh ū jin-kang) tī chit khut è lāi-bīn. In-ūi khi sī chin sio, só-i chhiú iā chhiú sio-khi-lâi. Chit só-chāi è chhiú tōa chhi"-sek, sī chheng-chheng è chhi"-chhiú, òe-tàng khòe" kàu té; kiò-chòe chhi" hông-chhiú (青磺水). Jián-āu chiong chit-ê hông-chhiú keng-kè hông-kóng in kàu lú-kóan á-sī kong-kiōng è èk-sek (sòe-seng-khu-keng). Hó-giáh-lāng è piát-chong iáh-ū un-chōa" è siat-pi. Chhi"-hông è un-chōa" tãi-seng ū. Ō-lâi un-chōa" bō kàu-ēng, chiū koh khai-hoat lēng-gōa chit-ê hông-khut (磺窟); sī hióng Chháu-soa" (草山 = lóng-bêng-san) è hong-hiòng iok chit-lí lō. Chit khut è hông-chhiú sio-khi khah tōa; só sán-seng sī pèh-pèh (白白), lô-lô (濁濁) è hông-chhiú, chiū kiò i chòe pèh-hông. Chit-ê pèh-hông è chhiú-góan-tē sī tī Pak-táu ng Chháu-soa" è lō-tiòng chiū khòe" òe tiòh. Chin tōa khut. Chá-kí (早期) tī chit è só-chāi ū chhut liú-hông (liú-ñg) (硫磺).

Kóng-kàu nng-chióng un-chōa", ū chin tōa è chha-piát (差別). Tú-liáu sek-ti" (色級) kap chheng-tō (清度) bō-káng í-gōa, chhi"-hông è un-chōa" sī bōe-sái (未使) èng sap-bùn (= 華語 è 肥皂). Sap-bùn tú-tiòh chhi" hông-chhiú chiū pián-chit (變質) chiá"-chòe nng-nng (軟軟) è iú-thō (油土), boah tī seng-khu chiū ná thō-bē (土糜) kò tī sin chiū". Lú sóe lú bō chheng-khi. Ná-sī pèh hông-chhiú chiū bō chit è hián-siōng (現象).

Lún-kàu tī un-chōa" sóe seng-khu, èk-keng (浴間) è lāi-bīn ū un-chōa" khut chit tōa khut, pi"-á ū chhiú-tō lāi è lēng-chhiú (冷水) khut. Lāng tiòh èng lēng-chhiú chhiàng (沖) seng-khu chiah òe-sái chin-jip khi un-chōa" khut chin. Ná-sī kia" kòe" è, òe-sái tī khut-á ki", èng un-chōa" è chhiú chhiàng seng-khu chiah thang jip un-chōa" khut. Un-choa" khut sī èng lāi chin (浸) seng-khu. Bōe-sái tī lāi-bīn sóe. Ū-sī un-chōa" è un-tō chin sio, chiū chin è sī, tãi-ke lóng bōe-sái tín-tāng. Chin kui hun-cheng (分鐘) liáu-āu, chiū òe lāu-kòe" (流汗). Chiū thang khi-lâi kàu khut pi" hioh liàng chit-ē, iáh thang

chhiàng lēng-chhiú, luk-sian, sóe kōa", á-sī èng lēng-chhiú sóe seng-khu. Án-nī chin un-chōa" kúi-pián liáu-āu, chiū èng lēng-chhiú sóe chheng-khi chōan seng-khu. Kui seng-khu chin sóng-khòai (爽快).

It-pōa" (一般) jin-ke è chhiú-lāi bō un-chōa", chiū khi kong-kiōng (公共) èk-sek (浴室) sóe. Tī Jit-pún sī-tāi sóe chit-pián ài hù (付) sa" sián chi". Só-i ū sī khi sóe un-chōa" è sī, kóng khi sa"-sián-keng. Tng góa sóe-hàn è sī, i-keng sī kok-bīn cheng-hú, tī kong-ka è kong-kiōng èk-sek sī chit-nng kak gūn. Iáh ū su-jin keng-ēng (經營) è kong-kiōng èk-sek; in è siu-hui ū khah kui chit-si-á. Kong-kiōng èk-sek iā ū hun nng chióng, chiū-sī tãi-chiòng-hòe (大眾化) è un-chōa", kap su-jin (私人) è un-chōa". Tãi-chiòng-hòe è un-chōa" sī chin tōa-khut. Lâm-lú (男女) hun-khui, tī nng-peng chòe nng khut, siu-hui (收費) khah siók. Ná-sī su-jin è un-chōa" khut sī khah sóe-khut. It-pōa" siu-hui khah kui, chōan-ke (全家) chòe-hòe sóe, pē-bú seng kā gin-ná sóe hó, chiah ka-kī sóe. Lâm-lú òe thang chòe-hòe sóe. Chōan-ke thang tōng-si hióng-siū sóe un-chōa" è chu-bi (滋味). Ná-sī ài chhiú khah chheng, chiū tiòh tī thau-chá khi sóe un-chōa".

Ná-sī lí khi Pak-táu, chin-chòe lú-siá lóng ū un-chōa" è siat-pi (設備). Sóe un-chōa" sī pau-khoat (包括) tī tōa lú-siá è hui-iōng (費用) lāi. Só-i lí chit-ē tōa lú-siá, góa khng lí tãi-seng sóe un-chōa", chiah chòe kí-tha è òah-tāng (活動). Che sī jin-seng tiòng chin hó koh bō kui è hióng-siū (享受). Ná-sī bō tōa lú-siá è, iā thang chhē chit-keng kong-kiōng èk-sek lāi sóe un-chōa". (作者是波士頓鄉親 陳清俊)

正月 9~11 日相招來去

NEW ORLEANS

順續 tau-tin 分享 咱 è 蕃薯園 台語文

台語教室 8~2

Harvard 大學 李勤岸教授 編

Dialogue 2 Bō sī-kan

Atin: Chhia-thâu kàu ah. Lí è pêng-iú leh? Arnold: Tī hia, tī hia. Hī! A-hóa, A-hóa.

A-hóa: Arnold, lí m-sī kóng bān chit-ē-á niá, ná-ē bān hiah kú? Arnold: Sit-lé sit-lé, Ah-to that-chhia ah.

Atin: Tiòh lah, tiòh lah, Tâi-pak è kau-thong chiok báí è.

Arnold: Góa bē-ki-tit kā lín kai-siáu. I kiò-chò Ng Siok-tin; i kiò-chò Lâu Bī-hóa.

Atin: Lâu sió-chiá, lí hó. Lāng lóng kiò góa Atin, chham tē it hu-jin kāng miá lah.

Ahoa: A-tin lí hó. Arnold, lán ài khah kín phah chhia-phiò, bō siá" sī-kan lah. Tōng-bút-hng 5 tiám tiòh koai" ah.

Arnold: Atin, lín Tâi-pak è chiat-ūn chhia-phiò góa bē-hiáu phah, mã-hón lí thè góa phah, kám hó? Khí Bak-sa ài gōa-chē chí"?

Atin: Góa lāi ká lí án-chōa" bē. Chin kan-tan, lán chin tī chhia-thâu tiòh bō, lí khòe" Bak-sa tī chia. Ang-sòe" kàu chia chōan kam-á-sòe", chhiú-sī Bak-sa-sòe". Lí khòe" án-ne sī 25 kho tiòh-bō? Lí ká 25 kho lok--lòh-khi, phiò tiòh chhut-lái ah. Ū-kàu kán-tan.

Arnold: M-koh góan hia è tē-hā-thih koh khah kán-tan. I kho tòh iú-chāi lí chē, bō kóan lí khi góa hng.

Atin: An-ne ū-í" koh khah kán-tan. Ahoa: chhia lāi ah.

請踴躍投稿

E-mail: fjiyin@yahoo.com.tw

陳文成教授紀念基金會

各位鄉鄉:

陳文成教授紀念基金會自一九八一年成立以來, 在熱愛台灣, 關心陳文成事件的同鄉支持下, 一直不餘遺力的為台灣的民主, 人權在打拚。二十外年來, 本基金會每年在美國和台灣頒發五至七名的獎學金, 一方面肯定得獎學生們的努力和成就, 一方面也鼓舞了更多的台灣學子來關心台灣。二十外年來, 本基金會曾發行《台灣文化》雜誌, 舉辦週年紀念會, 贊助台灣人作家寫作, 邀請台灣作家, 文化工作者訪美, 舉辦紀念音樂會, 舉辦台灣藝術花展, 協辦二二八劇展《未完成的夢》及各式各樣的文化及政治活動。並長期支持《台灣公報》(Taiwan Communicque, http://taiwandc.org), 《台灣學生》(台灣學生社 Taiwanese Collegian, http://tc.formosa.org)和ITASA (http://itasa.org)。

近年起我們除了固定的獎學金外, 更在陳文成生前執教的 Carnegie Mellon University 設立一個紀念陳文成的獎學金。自2001年起島內的台美文化交流基金會也在我們美國的同鄉鼓勵下獲得正名為陳文成教授紀念基金會。

Name: _____ 漢名: _____ (Optional)

Address: _____

Telephone: _____ Fax _____

Email: _____

Donation: 50 / year or 100 / year or _____ / year (Check Payable to CWCMP)

(CWCMP is a nonprofit organization, donations to CWCMP are tax-deductible)

P. O. Box 6223 Lawrenceville, N.J. 08648

